



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1628. usque ad annum 1634

Fleury, Claude

August. Vind. [u.a.], 1778

VD18 90118871

§. 69. Diversæ S. Congregationum decisiones.

[urn:nbn:de:hbz:466:1-67394](https://nbn-resolving.org/urn:nbn:de:hbz:466:1-67394)

gio & Siciliae Provinciis Excalceatorum habitum deferant, seque Carmelitas reformatos S. Theresiae non sine gravi Ordinis Theresiani detrimento, & aliorum scandalo nominent; re igitur perpenſa Pontifex die prima Decembris hanc temeritatem interminata excommunicationis majoris, & suspensionis pœna coercuit: Insuper decretum a S. Inquisitionis Generalis Congregatione conditum approbavit, vi cuius omnibus Regularium Superioribus inculcatum, ut suos subditos sæpe commoneant de injuncta omnibus observantia circa executionem Apostolicarum Constitutionum, quæ contra hæreticam pravitatem emanarunt. Denique die vigesima secunda ejusdem Mensis declaravit Pontifex, quod Clerici Regulares, vulgo de Somasca dicti, in Orphanotrophiis, Seminariis &c. suæ curæ commissis privata Oratoria habere, & pro ibidem commorantibus etiam intra tempus Paschale Missam celebrare valeant.

§. LXIX.

Diversæ S. Congregationum decisiones.

Motis subinde dubiis Sacræ Congregationes sequentibus decretis hoc anno

*Decis. S.
Congreg.
Rit. Episc.
Concil. &c.*

Sæc. XVII. anno satisfecere, & quidem die vigesima septima Januarii Sacra Congregatio decidit, quod Episcopi & Vicarii Capitulares vigore Jubilæi non possint publice denunciatos absolvere in foro exteriori propter læsam immunitatem Ecclesiasticam, sed duntaxat in foro conscientie, quando scandalum non est notorium: Declaravit quoque die decima quarta Februarii Sacra Rituum Congregatio, quod Parochus, sive Rector Ecclesiæ Parochialis tanquam illius caput, thurificandus sit ante loci Petronum: sequentis autem Mensis die decima tertia decidit, quod Prælati Regulares habentes privilegium benedicendi vestes Sacras, cæmeteria & hoc privilegio uti non possint, nisi in rebus, in quibus Sacra unctio non adhibetur, & duntaxat pro propriis Monasteriis & Ecclesiis: Capellani autem in Ecclesiis Laicorum, seu Oratoris non valeant benedictiones facere Candelarum, Cinerum, Palmarum, nec in feria quinta Majoris Hebdomadæ Missam ibidem celebrare, vel SS. Sacramentum in sepulcro ea die custodire, sed hæc munia a Parochis in suis Ecclesiis exercentur: declaravit etiam die vigesima prima Junii, quod veritas Spina Coronæ Domini inter reliquias insignes sit computanda ac colenda: Sacra

Sacra etiam Concilii Congregatio die Sæc. XVII.
 tertia Julii statuit, quod Superior unius A. C. 1632.
 Religionis extra Ecclesias sui Ordinis
 non possit approbare Regulares alterius
 Ordinis pro audiendis Confessionibus
 suorum subditorum: Die autem prima
 Decembris a S. Rituum Congregatione
 sancitum, festiuitates, in quibus tenentur
 Canonici associare Episcopum, esse Epiphaniam,
 feriam quintam in Cæna Domini, Pascha,
 Ascensionem Domini, Pentecosten, SS. Petri &
 Pauli, Assumptionis & Nativitatis B. V.
 omniumque Sanctorum festa.

§. LXX.

Scriptores Ecclesiastici hoc anno defuncti.

Inter Scriptores Catholicos, qui scientia & pietate inclaruere, hoc anno Miræ. Script. Sæcul. XVII.
 plures decesserunt, & quidem ex illis Echard t. 2. Bibl. Script. Ord. Præd.
 I. Franciscus Haræus, Ultrajectinus
 Canonicus Lovaniensis, qui Compendium Surii de vitis Sanctorum, Chronicon universale, Annales Ducum Brabantiae & tumultum Belgicorum, catenam auream in quatuor Evangelia, & plura alia, quæ Valerius recenset, posteritati reliquit. II. Joannes Baptista Agucchius Sedis Apostolicæ Nuntius apud Venetos scripsit de antiquitatibus
 Bono-